

¡BOMBA!

El panorama que veo
no resulta halagador;
con Trump que anda de echador
necesitamos boxeo




K'intsil

Lunes 7 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2453 · www.lajornadamaya.mx

Juan Celaya yéetel Osmar Olverae' tu k'amo'ob u yáax medalladil oro tu keetil Copa del Mundo de Clavados



Adriana Díaz /
Oochel CONADE

Himno Nacionalé' k'a'am juumnaj
tu kúuchil Centro Acuático
Metropolitano de Guadalajara. Juan
Celaya yéetel Osmar Olvera tu
k'ubajo'ob ti' u noj lu'umil México
u yáax medallail oro úuchik u
beeta'al u keetil Copa del Mundo de
Clavados, ts'o'okspaj jo'oljeak.

Le ka'atúul xi'ipalalo'oba', ts'o'okili'

u yáax náajaltiko'ob plata tu keetil
Juegos Olímpicos de París, le 2024
máanika', ts'o'oke' ti' le beetchaj
te'el k'iino'oba', máano'ob táanil tu
keetil sincronizados trampolín ka tu
p'atajo'ob paachil u ka'atúul xi'ipalalil
China yéetel Gran Bretaña.

Tu ts'ook k'iinil keetile', Celaya
yéetel Olverae' tu béeyili' jp'aato'ob

tu yáax kúuchilo'ob tsolk'aaba'
desde yáax clavado tu beetajo'ob,
ts'o'oke' mix juntéen j-éemo'obi'
Tu jo'oloy u ts'ook u téen úuchik u
pulkubáajo'obe', jach táaj ki'imak
óolta'abo'ob ts'o'oke' káaj u yawta'al
¡México, México!

Jmexicoilo'obe' tu
béeykunsajo'ob 430.23,

j-asiáticoilo'obe' 413.16 yéetel
británicoilo'obe' 396.06.

Le medalla tu béeykunsajo'obe',
u kamp'éelil ti'al México, tu
jo'oloy yanak óoxp'éel platas ti' le
keetilo'. Yéetel le k'a'anan meyaj tu
beetajo'obo', chan jp'ata'ab paachil
chinoilo'ob máaxo'ob jach táanil
yano'ob ka'achij.